

**Javna ustanova Opća bolnica
„Prim. dr Abdulah Nakaš“
Broj: 9992-3/18
Sarajevo, 27.11.2018. godine**

Na osnovu člana 18. stav (1) Zakona o javnim nabavkama Bosne i Hercegovine («Službeni glasnik BiH» broj 39/14) - u daljem tekstu: ZJN, direktor Javne ustanove Opća bolnica “Prim. dr Abdulah Nakaš” donosi

O D L U K U
o pokretanju postupka javne nabavke

Član 1.

Javna ustanova Opća bolnica “Prim. dr Abdulah Nakaš” u skladu sa ukazanom i planiranom potrebom, pokreće pregovarački postupak bez objave obavještenja za nabavku radova: Dodatni radovi na sanaciji i adaptaciji prostora za smještaj gama kamere, JRJN: (45215140-0).

Nabavka iz stava 1. obaviti će se pod rednim brojem: JN-113/18.

Član 2.

Zakonski osnov za provođenje postupka javne nabavke predstavlja član 24. stav 1. tačka (a). ZJN.

Član 3.

Predmet javne nabavke, određen u Planu nabavki za 2018. godinu broj 24-21/18 od 26.01.2018. godine je: Rekonstrukcija prostora za gama kameru (stavka 262.).

Član 4.

Procijenjena vrijednost javne nabavke iznosi do 4.471,00 KM bez uračunatog PDV-a.

Član 5.

Podaci o izvoru – načinu finansiranja: Sredstva za nabavku radova su osigurana od Zavoda zdravstvenog osiguranja Kantona Sarajevo, a u skladu sa Finansijskim planom ZZO KS za 2018.godinu.

Član 6.

Vrsta postupka javne nabavke: Nabavka radova iz člana 1. izvršiti će se shodno odredbama Zakona o javnim nabavkama BiH („Službeni glasnik BiH“ broj 66/16) putem pregovaračkog postupka bez objave obavještenja.
Nije predviđeno zaključivanje okvirnog sporazuma.

Član 7.

Rok za provođenje postupka javne nabavke je do okončanja postupka nabavke predmetnih radova.

Ostali uslovi javne nabavke su određeni tenderskom dokumentacijom.

Član 8.

Ova Odluka stupa na snagu danom donošenja.

Obrazloženje

Šef Odjeljenja za tehničke poslove i investicije Dubravka Šekerić Kovačević, dipl.ing.grad. obratila se putem protokola ove ustanove Zahtjevom za provođenje postupka javne nabavke radova broj 9992-2/18 od 22.11.2018. godine za donošenje Odluke o provođenju postupka javne nabavke radova: Dodatni radovi na sanaciji i adaptaciji prostora za smještaj gama kamere.

Ugovorni organ ima potrebu za nabavkom dodatnih radova za izvođenjem radova na sanaciji i adaptaciji prostora za smještaj gama kamere. Naime, Ugovorni organ je donio Odluku o pokretanju postupka javne nabavke radova: Rekonstrukcija prostora za gama kameru – LOT 1 – Građevinsko-zanatski radovi, putem otvorenog postupka. Nakon provedenog postupka Ugovor o javnoj nabavci radova je zaključen dana 13.06.2018. godine sa EKO-GRADNJA d.o.o. Sarajevo kao izvođačem. U toku izvođenja radova pojavila se potreba za dodatnim radovima usljed nepredviđenih okolnosti koji se ogledaju u zazidavanju otvora zbog spriječavanja ulaska svjetlosti, ugradnju limene kanalice u stropu, ugradnju podne kvadratne kanalice, postavljanje keramičkih pločica u toaletu, hidroizolacija, gredice za tuš kabinu, betoniranje podloge za aparat, PVC odbojnici i PVC pod u hodniku i kupatilu (na ulazu). Navedeni dodatni radovi nisu specificirani projektom, tako da nisu mogli biti specificirani niti tenderskom dokumentacijom za osnovni ugovor. Navedeni dodatni radovi su neophodni za dalji nastavak radova po osnovnom ugovoru i za izvođenje radova u skladu sa pravilima struke i propisima. Navedeni dodatni radovi po svojoj vrijednosti neće preći 20% od vrijednosti osnovnog ugovora.

Analizirajući predmetni zahtjev, šef Odsjeka za javne nabavke je utvrdio da su ispunjene pretpostavke za realizaciju nabavke, te je shodno zakonu i općim aktima Javne ustanove Opća bolnica „Prim. dr. Abdulah Nakaš“ dostavio predmetni zahtjev direktoru Javne ustanove Opća bolnica „Prim. dr. Abdulah Nakaš“ na konačno odobrenje.

Imajući u vidu navedeno odlučeno je kao u dispozitivu.

DOSTAVITI:

- ☉ Sekretaru Komisije za javne nabavke
- Odsjek za javne nabavke
- A/a



DIREKTOR

Prim. dr. Zlatko Kravić

Zlatko Kravić